

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), Odluke Vlade Federacije Bosne i Hercegovine o usvajanju Programa utroška sredstava sa kriterijima raspodjele sredstava „Tekući transferi pojedincima – Transfer za raseljena lica i povratnike“ utvrđenih Budžetom Federacije Bosne i Hercegovine za 2025. godinu Federalnom ministarstvu raseljenih osoba i izbjeglica, V. broj: 295/2025 od 13.03.2025. godine („Službene novine Federacije BiH“, broj: 20/25), federalni ministar raseljenih osoba i izbjeglica, **raspisuje**

JAVNI POZIV **za dodjelu jednokratne novčane pomoći studentima povratnicima na području** **Bosne i Hercegovine za akademsku 2025/2026 godinu**

I PREDMET JAVNOG POZIVA

Predmet javnog poziva je podrška studentima povratnicima dodjelom jednokratne novčane pomoći za akademsku 2025/2026 godinu.

II CILJ JAVNOG POZIVA

Cilj ovog javnog poziva je podrška studentima povratnicima, demografskom osnaživanju i ostanku mladih u Bosni i Hercegovini.

III PRAVO UČEŠĆA – OPĆI KRITERIJI

Pravo učešća na ovom Javnom pozivu imaju studenti koji su članovi povratničkih domaćinstava na području bh. entiteta Republike Srpske (**manjinski povratak**) odnosno na području povratničkih općina i gradova u Federaciji Bosne i Hercegovine, i to: Ravno, Drvar, Glamoč, Teočak, Pale–Prača, Sapna, Bosansko Grahovo, Dobretići, Foča-Ustikolina, Grad Stolac, Prozor-Rama, Tomislavgrad, Odžak, Jajce, Bosanski Petrovac, Čapljina, Vareš, Fojnica, Kupres, Donji Vakuf, Gornji Vakuf-Uskoplje, Bugojno, Kiseljak, Kreševo, Olovo, Busovača, Trnovo (FBiH), Stari Grad Sarajevo, Grad Goražde, Vitez, Konjic i Jablanica.

Studenti iz prethodnog stava moraju ispunjavati sljedeće uslove:

1. da su članovi povratničkih domaćinstava i da pripadaju kategoriji povratnika (**manjinskih povratnika u entitetu RS**) u skladu sa Aneksom VII Općeg okvirnog sporazuma za mir u Bosni i Hercegovini – Dejtonski mirovni sporazum (član 1. tačka 3.d);
2. da imaju prijavljeno prebivalište u opštinama/općinama/gradovima povratka;
3. da studiraju na jednom od javnih (državnih) univerziteta u Bosni i Hercegovini ili privatnih univerziteta čiji programi imaju akreditaciju domaćih i međunarodnih akreditacijskih institucija;
4. da imaju status redovnog ili redovnog samofinansirajućeg studenta, prvi put upisani na neku od godina studija I ili II ciklusa po Bolonjskom sistemu studiranja odnosno studenti dodiplomskog studija;
5. da nisu stariji od 30 godina.

IV PRIJAVA NA JAVNI POZIV I DOKAZI O ISPUNJAVANJU OPĆIH KRITERIJA

Prijava aplikanta na javni poziv obavezno sadrži sljedeće dokumente:

1. Čitko popunjen i potpisan [prijavni obrazac](#), koji je dostupan na internet stranici Ministarstva www.fmroi.gov.ba ili se može preuzeti lično u prostorijama Ministarstva na adresi Hamdije Čemerlića broj 2., Sarajevo
2. Uvjerenje/potvrda o ostvarenom povratku izdata od nadležnog organa;
3. Uvjerenje/potvrda fakulteta da je aplikant redovan ili samofinansirajući student;
4. Uvjerenje o prebivalištu (CIPS) ne stariji od 30 dana;
5. Izvod iz matične knjige rođenih za studenta (rodni list);
6. Ovjerenja izjava o zajedničkom domaćinstvu (kućna lista);
7. Potvrda banke o broju aktivnog transakcijskog računa studenta ne starija od 30 dana;

Osim pismene prijave obavezna je elektronska prijava na web stranici: <https://fmroi.gov.ba/prijava-na-javni-poziv/>

Napomena: Sva dokumentacija koja se dostavlja radi dokazivanja općih uslova mora biti u originalu ili kopiji ovjerenoj u opštini ili kod notara.

V FINANSIJSKA SREDSTVA

Za realizaciju ovog Javnog poziva planiraju se budžetska sredstva u iznosu do **2.000.000,00 KM (slovima: dva miliona KM)**.

Iznos sredstava po jednom korisniku jednokratne novčane pomoći će biti od **800,00 KM (slovima: osamstotina KM)** do **1.200,00 KM (slovima: hiljadudvjestotine KM)**.

VI NAČIN IZBORA KORISNIKA

Odabir korisnika po ovom javnom pozivu će vršiti posebna komisija koju imenuje federalni ministar raseljenih osoba i izbjeglica.

Komisija će razmatrati prijave u skladu sa posebnim procedurama u skladu sa odredbama ovog javnog poziva i internim aktima.

U slučaju većeg broja aplikanta, prednost pri odabiru će imati aplikanti:

- koji dolaze iz populacije manjinskih povratnika na područje entiteta RS;
- koji studiraju na javnim visokoškolskim ustanovama;
- koji studiraju deficitarna zanimanja u skladu sa posljednim podacima Federalnog zavoda za zapošljavanje.

Komisija zadržava pravo provjere tačnosti podataka iz prijave na javni poziv, te u slučaju da utvrdi da podaci nisu tačni ili nepotpuni predmetnu prijavu će odbaciti kao neurednu.

VII OBJAVLJIVANJE RANG LISTI KORISNIKA

Preliminarna i konačna rang lista po ovom javnom pozivu će biti objavljene na internet stranici Federalnog ministarstva raseljenih osoba i izbjeglica www.fmroi.gov.ba.

VIII OBRADA LIČNIH PODATAKA PODNOSIOCA PRIJAVA

Podnošenjem prijave na ovaj javni poziv, podnosilac daje saglasnost Federalnom ministarstvu raseljenih osoba i izbjeglica za obradu svojih ličnih podataka, u skladu sa Zakonom o zaštiti ličnih podataka. Lični podaci se obrađuju isključivo radi provjere ispunjenosti uslova javnog poziva, izrade odluka, realizacije dodjele pomoći, vođenja evidencije korisnika i izvršenja plaćanja. Podaci se mogu dostaviti trećim stranama samo u okviru zakonskih obaveza. Radi transparentnosti postupka

i ostvarivanja prava na žalbu/prigovor po javnom pozivu, minimalno neophodni lični podaci korisnika bit će objavljeni na službenoj internet stranici Ministarstva.
Podnosilac ima pravo da zatraži pristup, ispravku, brisanje ili ograničenje obrade svojih podataka, u skladu sa zakonom.

IX DOSTAVLJANJE PRIJAVA NA JAVNI POZIV

Prijave na ovaj javni poziv se dostavljaju na prijavnom obrascu iz tačke IV ovog javnog poziva uz traženu dokumentaciju, zajedno sa online podnesenim prijavnim obrascem.

Nepotpune, neuredne i neblagovremene prijave neće biti razmatrane.

Dostavljanje prijava na javni poziv se vrši **lično ili preporučenom poštom na adresu:**

**Federalno ministarstvo raseljenih osoba i izbjeglica
Hamdije Ćemerlića broj 2.
71000 Sarajevo**

sa naznakom: **Prijava na „Javni poziv za dodjelu jednokratne novčane pomoći studentima povratnicima na području Bosne i Hercegovine za akademsku 2025/2026 godinu“**

Na poledini koverta obavezno navesti ime podnosioca prijave, tačnu adresu i broj telefona.

Rok za dostavljanje prijava je 30.01.2026. godine.

Dodatne informacije u vezi javnog poziva se mogu dobiti putem telefona: 033/294-171 ili 033/294-173.

BOSNA I HERCEGOVINA
FEDERACIJA BOSNE I HERCEGOVINE



Federalno ministarstvo
raseljenih osoba i izbjeglica

MINISTAR
Nerin Dizdar

Sarajevo, 26.12.2025. godine